


Stanislaus

simili Decus et praesidium Astraeae



49.
D E C U S

E T

P R Æ S I D I U M

A S T R Æ Æ,

SAGITTA SIERAKOWSCIANA,

dum

PERILLVSTRIS & REVERENDISSIMVS DOMINVS

D. STANISLAUS

DE BOGVSLAWICE

SIERAKOWSKI

In Ecclesia Cathedrali Posnaniensi Archidia-

conus Sremensis, Metropolitanus Gnesnensis & Varfavi-

ensis Canonicus, OFFICIALIS Generalis Posnani-

ensis, S. R. M. SECRETARIVS.

A

MAGNIFICO, PERILLVSTRI & ADMODVM REVERENDO DOMINO

D. M. A N D R E A

K R U P E C K I,

V. I. Doctore & Professore, Ecclesiarum, Collegiatæ SS. Omnium

Crac: Custode, Paræcianæ Luborzycensis Curato, Roszcze-

viano, & Contubernij Philosophorum Provisore, Canonizationis

B. IOANNIS CANTII Procuratore, Studij Almæ Universi-

tatis Crac: Generali & Vigilantissimo RECTORE,

IN LECTORIO DD. IVRIS PERITORVM,

Præsente Illustrium Hospitum, & Senatûs Academici Coronâ,

ritu solenni renuntiaretur,

in vim officiosæ venerationis,

A

M. CASIMIRO CEYPLER,

Philosophiæ Doctore, Matheseos Professore, Contubernij Ziziniani Seniore,

plausu gratulatorio


59. C E L E B R A T A.

28.

Anno, quo Incarnata Divina Iustitia de Cælo prospexit. 1703. Die 18. Dec:

CRACOVIAE, Typis NICOLAI ALEXANDRI SCHEDEL; S. R. M. Ord: Typ:

IN STEMMA ILLVSTRISSIMÆ DOMVS SIERAKOWSCIANÆ.



21.322 III

*Sublimes oras SIERAKOWSCIA spectat Olympi,
Et temnit pigrum prompta SAGITTA solum.
Astræam novit terras liquisse profanas;
Hanc igitur merito quarit in arcæ Poli.*

IOSEPHUS de Slasy SLASKI, Pocillatorides
Mielnicen: Auditor Dialect.

*Perge celer sursum SIERAKOWSCIA perge SAGITTA,
Attingas felix culmina celsa, precor.
Astræam super axe volens reperire, Curules
Invenias Lechicas, Prasfuleasq, Mitras.*

MICHAEL de Slasy SLASKI, Pocillatorides
Mielnicen: Dialect: Auditor.



DECUS & PRÆSIDIVM

ASTRÆÆ

SAGITTA
SIERAKOWSCIANA.

Fallitur ille,

quisquis ita prorsus è terra Astræam excessisse putat,
vt de eadem non ampliùs sollicita sit.

Terrestris tantùm esse desijt, non tamen terrenorũ Arbitra.

Non aliter ac Phæbus,

qui eò in terris activior, quò elevation.

Etiam nunc Astræa terricolarum negotia suspicit,
quamvis olim terras despexerit.

Et quoties scelera sævum extulerint caput,
toties illa, Nemesei decapitanda committit.

Sacro huic Numini,

Vt terras incolenti vitiorum colluvies odio fuerat;

ita nunc super astra degenti,
recti boniq; incrementum & animo est, & curæ.

Laborat Diva hæc Virago,

ne flagitiosi in virtutem insurgant Antei,

aut, si fortè insurrexerint,

contumacem eorum nequitiam, aut flectit, aut premit.

Videt illa Cethegos, videt Catilinas,

ram sibi infensos, quàm Patriæ infestos:

sed opponit eorum ausibus Secures;

has quia temnere ausi, tremere coguntur.

Quippe timore ibi locus relinquatur, ubi contemptui denegatur.

Non caret utiq; suis armis defensivis;

A

qui-



quibus jus sceleri datum excutiat, licentiæ frenum iniiciat,
exlex omne nefas legum censuræ rigoriq; subiiciat.

Ad sunt illi præstò munimenta,
quibus sacros Tripodes defendat,
Areopagos propugnet, Subsellia stabiliat,
Solonum & Lycurgorum auctoritatem firmet.
Potiorem ego partem munimentorum ejus
Gentilitiam Tuam SAGITTAM veneror,

Perillustri & Reverendissime Domine

STANISLAE
DE BOGUSLAWICE
SIERAKOWSKI

Archidiacone Sremensis, Canonice Gnesni:

OFFICIALIS Generalis Posni: &c. S.R.M. Secretarie.

quæ nunc Astrææ obtigit
decus summum & præsidium.

Adeo; ut non magis Labradeus Iupiter insignis sit ex ascia,
quam ipsi pro fulmine gerendam Carenfes dedere.

Nec potior Phæbo ex pharetra,
aut Palladi ex ægide sit majestas;
quàm Astrææ ex pernici Tua SAGITTA:

Hæc vindex honoris, Aras ejus tutabitur,
plus dicam; etiam exornabit.

Quidni exornet?

Quæ Consi Sarmatici Senaculis pretium dedit,
Gradivi legionibus palmarem tulit adorem,
divisitq; cum Patria gloriam,
in cujus meta semper auspiciis stetisse visa.

Quidni Illa muniat Astrææ Curias?

Quæ feroces Tauricanos impetus toties fregit,
Ipsa frangi nescia.

Catervas hostiles potenti acumine scidit,
ut Patria exoticis scissa armis cœluisset.

In Athenæo Regni rectum omne & æquum defendit,
ut vel exinde rectitudinis conscia nosceretur,
quod in neutram partem flecti vnquam potuisset.

Dixi ego;

Sed dictis longus seculorum ordo fidem paravit.

Rem sub Cortina, reuelo:

Illustrissimorum Prædecessorum Tuorum series vota mea prævenit,
id totum prius comprobans factis,

quàm è perennis memoriæ fastis quidquam recensuerim:

Quippe nihil in Tuis Majoribus non virtute magnum,
nihil, quod non excelsū gloriæ fastigium teneat, dici exprimiq; arduū,
nihil, quod non splendidum, maiestatemq; suā decorum,
nihil, quod non clarum Patriæ accendat diem.

Propago Tua, Propago est Heroum,
quales olim augebant Divorum numerum.

Quotquot Nomina ex Illa computarem,
tot Decora & Præsidia Patriæ recenserem:
omnia laudi Familiæ, sed pudori Eloquentiæ,
quod hæc pro elogijs Eorum desudans,
fudoris tantum guttas eliciat, non encomiorum gemmas.

Absit Damoclis menti affine quidquam.

En prodit Avitæ Propaginis Decus,

Sarmaticus re & nomine Camillus,

V E N C E S L A V S

DE BOGVSLAWICE

SIERAKOWSKI

Brestensis Vexillifer,

Cui nullum majus votorum optabile fuerat,
quàm Patriæ libertatem asserere,
& pro Gentis honore magna agere.

Expedit vtrumq;

Heros, haud ulli veterum virtute secundus.

Magnitudo Ejus animi in vivis suis Iconibus,
(dignos tanto Patre Filios intelligo) expressa est:

Quorum alter BALTHASAR,

grata castæ mentis thura Illi obtulit,

qui *secundum* Ordinem Melchisedec Sacerdotum Caput est.

Cui ita adhæsit;

ut omnem honorem, præter hunc, minorem duxerit.

Alter gratiosi nominis IOANNES,

non tam *melle sylvestris*

quàm Hyblæo eloquij thymo, faustis sub penetralibus educatus.

Aureus verè Poloniæ Civis,

Cujus caput purum certè obryzum sapiebat.

Referendarium Regni agens,

Lingua Regis fuerat,

tam Regi, quàm Patriæ suavia loquens.

nec mirum:

Quia in Reges fide & candore, in Rempubl: amore animata fuit.

Landensis priùs Castellanus, mox Calisiiensis factus,

tandem Palatinatûs Lanciciensis Curulem ascendit,

Prædecensi Capitaneatu, & Moderatione Gedanensi auctâ.

Cui hoc vnum deesse videbatur,

quòd ampliori honorum satellitio non cingeretur,

dotum tantarum stipatus coronâ.

Cyneas Lechicus, ad Exteros missus Orator,

pro Purpura Regis sui rosas & lilia locutus.

Adeo;

ut totum Hymettum floridioris facundiæ,
augusto Ori Ejus insedisse Gentes crederent;

aut ipsas Charites per Illum locutas,

quas nomine suo complexus est.

Verùm qui Os Tanti Senatoris æstimat,

Cor Illius etiam admiretur, est necesse:

Quippe hoc, totum Martem spirans,

æquè sibi gloriam, ac Patriæ commoda reliquit:

Vocale est gestorum Ejus præconium ipsa Lechia,

& sumptu magnifico, quem impendit,

& milite, quem conduxit, defensa protunc;

cùm maximè vicinorum armis & prædæ patuit,

scilicet intra 2. Interregnorum interstitia.

Et quia è nido *Aquilarum corvi non evolant,*

sed digna Phæbo Proles;

Ex

Ex Illustr: SIERAKOWSCIANA Profapia
Quis non magnæ mentis, & paris Majoribus indolis?

Specto hanc

in STANISLAO, Kovalienfi, & pòst, Landensi;

IANVSIO, Brestenfi Cuiaviensi,

MARTINO, Inovladislaviensi, Castellanis,

Capitaneis Prædecensibus.

Quanta hæc fuere Nomina!

Dicat Confus Sarmaticus.

Hic utiq; fidem Eorum in DEVM, pietatem in Ecclesiam,
amorem in bonum publicum, rectitudinem consiliorū in Patriā
& vidit, & probavit optimè.

At, quid SAMVEL, si Eum recensuero?

nisi laudatissimæ ad virtutis regulam vitæ Idea.

Præmonstratensiu Ille tantum Commissarius Generalis fuerat,
sed meritis honores supergressus;

dignus, vt verior Samuel fieret,

hoc est, Coronata inungens Capita.

Quid STANISLAVS?

Cuius Genium verè Religiosum Fama commendat.

Abbas Ille in Monte Crucis creatus,

ascendit in Montem Sanctum innocens manibus, & mundo corde:

Nec alitius iam ex hoc Monte ascendere voluit,

gloriarì renuens nisi in Cruce Domini.

Didicisset utinam nunc Orbis Polonus;

sic alloqui Principes & Duces exteros, vt decet,

Ex LVCA, Crusuiciensi, pòst Lādensi Castellano.

Tullius Hic Lechicus,

non magis Attico lepore, quàm animi candore celebris,

Commisssa Legationis suæ ad Prussiæ & Sueciæ Exercituū Duces,
vel ideo felicius expedit,

quia Fabritium Romanum mente retulit:

tam munera temnentem,

quàm conceptum in Patriam amorem cautissimè tenentem.

Servavit proinde honorem Regni,

B

quia

quia nullum honorarium servandum accepit;
& sibi gloriæ, & posterorum exemplo.
Notavit Astræa inter rutilos siderum splendores;
venerandum quondam ad suam Aram Præfidis Nomen,
MARTINI, Gen. Tribunalis Reg. Mareschalci.
Quid mirum?

Magnus Regni Aristides Decus Illius fuerat.
Ferebant alij pro infontibus, vel contra fontes, vota,
Hic semper Definitivam locutus;
vt votis, ex munere, sic litibus abstrusis ex prudentia,
terminum & finem imponebat.
Eminere inter illustres Viros si pulchrum est,
Cordubensi fatente Vate:
Prima certè laudis portio cedit

STANISLAO, Succamerario Dobrinensi.

Quippe Hic Nobilitatis Princeps,
non honore tantum eminebat, sed & animo.
Coronamentum hæreditariæ gloriæ addit Fama;
ALBERTVM & ANDREAM,
Illum Ripinensem, Hunc Dobrinensem Castellanium;
Molem Hi curarum Regni robustis consilijs sustinuerunt;
bajuli Reipubl: Atlantes.

Nôrint sæcula Alios, qui præcessere;
Pagina mea in paucis sæcula plurima comprehendit;
quæ meritis, & meritorum pedisequis honoribus,
implevit Propago **SIERAKOWSCIANA.**
Amplissimum Magnorum Domus istius Heroum syllabum;
Animarum Conso, & Gradivo dilectarum;
diphthera æternitatis melius complectitur.

Inter Purpuratos Prosapiæ Tuæ Proceres
& pietate, & meritis, & consilio gravis,
Cato Sarmaticus, totus lynceus,
in prævidendis Patriæ periculis perspicacissimus;
Encomiastarum mentes fatigat,

IOANNES Castellanus Bidgostiensis,

Avus Magne Prælate Tuus.

Vir consummatæ prudentiæ.

Cujus

Cuius ætas tota Patriæ bono dicata, immortalitatem meruit,
& perennem Lechiadum memoriam.

Laudis Ejus pars maxima est Filius,

G A S P A R

DE BOGVSLAWICE

SIERAKOWSKI

Parens Tuus,

Prælate Reverendissime.

In quo metempsychosim virtutum Paternarum
Orbis admisisse debuit.

Quid enim augusti Illius pectoris conclave?
nisi bonorum omnium, recti, honestiq; Pantheon.

Vir ad Patriæ oracula natus,
quæ, vt ex dignissimo mentis suæ Tripode prompsisset,
Curulem Ei Castellanatûs Kovaliensis Confus obtulit.

Hanc, quòd conscendere recusaverit,
animi modestiam spirantis, indicium esto.

Fulgere virtutum radijs pluris duxit,

quàm honorum luce.

Dignitatem prætulit honori,

& rectius:

Ille utiq; est in benemerito, hic in honorante tantum.

Dolet eousq; Polonia Decora sua amisisse,

In SAMVELE, Capitaneo Bielscensi,

Et ALBERTO Decano Chelmen: Can: Crac:

Abbatix S. Crucis Coadjutore,

Patruis Tuis.

Quorum Ille redivivus velut Scipio,
in acie Bellonæ tam felix ad palmas, quàm promptus ad pugnas.

Alter Numam Latium mente referens,
probitatis & sublimioris literaturæ encyclopædia,

Regis cordi ad delictum fuerat.

A Ser: IOANNE CASIMIRO ad Exteros miss,

non amplius redux ad Patriam.

Quippe divertit in longinquam Regionem,
sed meliorem, quia Vivorum.

Habet etiamnum, quibus Lechia gloriatur;
ex Illustrissima Domo Tua Decoribus.

Ornant Curules Senatorias,

PAVLVS, Castellanus Dobrinensis,
IOANNES, Castellanus Belzensis,
Illustrissimi olim IABLONOVII

Castellani Cracov: Supremi Exercituū Ducis Amittinus Frater.

In Generalibus Regni Conventibus, cum plausu,
in Themidos Polonæ sacrario, cum stupore,
publica munia dexterrimè expedit Vterq;.

Certior itaq; Cassandra Virtus,

altiora PAVLI meritis in Senatu sponder Subsellia:

Cū jam IOANNES in liberrima, quia Cælesti Republica,

Curulem *inter viginti quatuor Seniores* occupaverit.

Insistit tamen Magni Patris vestigijs MICHAEL,

verè MICHAEL, quā in prælijs Heroum Antesignanus;

Cui, prout virtus Avita ad benemerendum hortatrix est,
sic ad Trabeas Patriæ prodroma fiet.

Ampliat inter fortes inventam gloriam,

STEPHANVS Cohortis Cataphractorū Ductor.

Cui pro stephanomate, Laureæ sunt Campestræ.

Nec alios Ille ambit honores,

nisi quos triumphii & trophæa pariunt.

Dixissem universalis,

Omnem tantæ Prosapiæ Hæredem virtutis Avitæ esse Successorē;

nisi vnusquisq; singulariū dotibus emerit.

En prodit sago clarus, Purpurā dignus Senatoriā,

IOANNES Dapifer Zakrocimensis,

Frater Tuus Germanus.

Cuius animum bellator spiritus ad militare decus excoluit.

Propitios Ille semper Bellonæ favores expertus,

quoties cordatum pectus hostibus opposuit,

solo Patriæ amore obarmatum.

Maturitas consilij, & perspicax in negotijs animus,

quid nisi Laticlavia promittit?

Crescentes Illius Ascanij,

Quos magnus Æneas ad rectefacta excitat,

Sic

fic Olympia virtutis & doctrinæ decurrunt ;
vt gloriam Palladi Sarmaticæ, Patriæ solatium ferant.
Conjunctus æquè Fraterno sanguine ac animo Heros,

MICHAEL Tribunus Lanciciensis,

Martiæ dexteritatis prototypus.

Cujus virile Cor illæ dotes occupârunt,
quæ Magnos in Republ. Viros decent.

Lechicus, Achilles propugnaturus Patriam alacrior jvit,
quò Classicum Epaminondæ Sarmatici duxit.

Qui sub dio suavem duxit vitam inter fortes,
vivet inter Proceres, & exemplo Majorum;

Responsa dabit ex Curuli.

Hæc sunt Decora & Præsidia Patriæ,

Quæ Gentilitiis Tuus **POWALA** Astrææ confert.

At potius illa sibi pretium ominatur,
dum cognata etiam Tuæ Familiæ sortitur Lumina.

Divisa hæc, sat Astræam illustrem redderent;

Quid, si ea jam collecta tenet?

Gloriatur Magnis in Republ: Nominibus,

NICOLAO, Castellano Raciassensi;

ADAMO, Iudice Terrestris Plocensi,

K E M P S C I I S.

Gaudet **IOANNE KADZIDŁOWSKI**, Succamer: Inovladif:

MELCHIORE, Castellano Siradiensi,

CASIMIRO, Castellano Brestensi, Cujaviensi,

G R V D Z I N S C I I S;

omnibus meritorum & famæ claritudine summis.

Imò, quidquid in Ducali **WISNIOWIECIORVM** Stirpe videt,

quidquid splendoris stupet in **KORYBVTHEI** Sanguinis Gēma,

Serenissimo **MICHAELE**, Rege Poloniæ;

id totum cefsisse sibi in decus & præsidium æstimat,

ex proximo **ZAMOYSCIORVM** & **KOSTKORVM** Sanguine.

Miratur Astræa illis se auctam ornamentis,

quæ ætas nostra integerrimè colit.

Sed totam sortem Tuæ **SAGITTÆ** subscribit,

pernici gloriæ cursu

WIERZBOWSCIORVM, **ZALINIORVM**, **NARZEMSCIORVM**,

PADNIEWSCIORVM, **SMOGVLECCIORVM**, **KOLVDZCIORVM**,

C

OPA-

OPALENSCIORVM, TARŁOVIORVM, FACC'ORVM, TRZEBV-
CHOWSCIORVM, MIELZYNSCIORVM, POTVLICCIORVM, ZE-
BRZYDOVIORVM, IORDANORVM, LVBOMIRSCIORVM, STA-
DNICCIORVM, SIENIAWSCIORVM, RYDZYNSCIORVM, DA-
NIEŁOVICIORVM, DEBINSIORVM, POTOCCIORVM, LANDZ-
KORONSCIORVM, MAKOWIECIORVM, ZBOROVIORVM, RA-
DOLINSIORVM,

inquilina decora attingenti.

Gessit non minus videri,

inter Illustrissimi Materni Sanguinis Tui splendores,
quos in se, ceu Solis radios reflectit felicius.

Adco; vt jam communis illi sit hæc claritudo,

quam Avitæ invehunt Profapiæ,

MILONSCIORVM, CZARNKOWSCIORVM, BYKOWSCIORVM,
LATALSCIORVM, GROCHOWSCIORVM, GRABINSIORVM,
SIEMIANOWSCIORVM, KONOPACCIORVM,

confanguineis nexibus Tibi sociatæ.

At, ne quid decori Astrææ spectatissimo desit,
aurea Magnarum in Lechia Stirpium vincula,

Lectissimi sanguinis torque colligata,

ceu Gordium in Iovis templo Nodum,

in Augustali suo appendit.

Iactando gloriosius;

quod in Palatinatu Siradiensi,

MACZYNSCIORVM, ZAPOLSCIORVM, TACZANOWSCIORVM,
GOMOLENSCIORVM, MYCIELSCIORVM, PRAZMOVIORVM,

in Cujavienſi, GRACHOVICCIORVM, NIEMOIEWSCIORVM,
DABSCIORVM, LETKOVIORVM,

in Dobrinenſi, MNIEWSCIORVM, SKRZYNSCIORVM, SZAMO-
WSCIORVM, POKRZYWNICCIORVM, IWANSCIORVM, BAR-
DZINIORVM, KOSOVIORVM, WALEWSCIORVM,

in Ravenſi, PLICHTORVM, SOKOLOVIORVM, NIEBOROVI-
ORVM, SZYMANOWSCIORVM, LVBANSCIORVM,

in Pruſſia, KONARSCIORVM, DZIEWANOWSCIORVM, MI-
TNOWICIORVM, KRETKOWSCIORVM, BALINSIORVM,

hæreditaria decora complectatur.

Quid aliud est, tam fecunda Profapiarum

cum Gentilitio Tuo POWAŁA conjunctio?

nisi grando gemmea, & pretiosissimus imber:

quo, ceu Pallas ad natales suos, circumfunderis.

Dignitatem Tuam vel ex hoc solo metiaris,

NEO-

NEODOCTOR Reverendissime.

Phæbum Planetarum Principem vna tantum præcedit **Aurora.**

Tu tot Auroras habes nitentissimas,
quot Majores dignissimi præcessere.

Ex Teipso nihilominus maximus appares,
Qui acceptam à Majoribus lucem ampliasti,
tam animi, quam operum magnitudine.
Adeo; ut Ipse Tibi sis pretium sat magnificum;
Astræ decus sublime & præsidium.

Quidni ita?

Indoles Tua cum tenerior adhuc esset,
omnia Avitæ Domûs lineamenta sic referebat;
ut vel ipse Sarmaticus Apollo,

Te vnum, Majorum gloriam, & mensuram cæterorum,
maturo judicio approbasset.

Excultum dignis Magno Sanguine studiis Genium
Aulæ Regiæ dum visendum dedisti;
toti illum Orbi Lechico monstrasti.

Quid enim Aula Regia, nisi totius Regni compendium?
adeoq; publicum virtutum meritumq; theatrum.

Spectavere mentem Tuam Tiarati Proceres,
Nec mirum, quod eandem digne pensaverint;
ilibata utiq; fuerat, & ea, quæ Mystrarum Summos decet.

Puræ huic menti & candidæ,

Vltro patuit Archi-metropolitanum **LILLETVM.**

In quo non vernant, nisi Lilia,
ut genere excelsa, sic candore eximia.

Regalis Sacerdotij eminentior Portio,
Prælati Posnanienses,

Cordium suorum penetralia Tibi patefecerunt.

Quidni enim candida Eorum recludantur pectora?

Cum vel ipse Petrus Tibi obtulerit vltro
Gentilitias Peraugusti Capituli Posnaniensis **CLAVES,**
tanta Augustalia referantes.

Mentem Tuam omnigenæ virtutis thesaurum,
si quis sagacior animorum Apelles exprimere conaretur,
multorum decora colligere deberet, ut eam efformaret.

utpote in qua prudentia Catonis, affabilitas Traiani,
innata in literatos propensio Mecænatis, facundia Isocratis,
munificentia Vespasiani, Divini Platonis ingenium,
gratia sine respectu, candor sine fūco, comitas sine crysi.

Sanè, quidquid magnos exornat Viros,
In Te, ceu in vniuersali virtutum Subiecto illustrius radiat:
Adeo; vt rarum Themistoclem æmulatorem Tui inuenias.

Absolutum Te omnibus numeris Virum
venerata est Themis Sarmatica,
in cuius Areopago Tribunalitio oracula toties promebas,
quoties aut Vice-Præsidentis ex Gnesnensi,
aut Deputatus ex Posnaniensi Cathedra,
Iudiciale Subsellium occupasti.

Suadæ Tuæ gratiam stupuit Serenissima Iuno BAVARIÆ.
Quæ connubiali fædere sociata ad Iovem suum festinans,
Inter Posnaniensis fastigia Cathedræ à Te salutata,
didicit, non solam Helladem triumphare in Demosthene,
sed etiam in Te Lechiam.

Tantarum virtutum eminentiâ conspicuus,
pridem hæc culmina dignitatum, quæ nunc tenes, possedisses;
si tam promptus esses ad quærendos honores,
quàm ad præstanda merita.

Non festino passu gradus honorum conscendisti.

Et melius: *fulgur dum subito accenditur, citò deperit.*

Sol quòd citius oritur, citius tempestuosis nubibus obscuratur:

Cynthia in plenilunio nitidior, quia sensim in lumine crevit:

En tandem Te merita quærentem, invenere honores;

& quidem ejusmodi;

vt divisum imperium cum Iove Diæcesano teneas.

Præsulibus habes cognatas dignitates,

quia Præsulibus debita exerces officia.

Quid enim Archidiaconus?

nisi Episcopi Oculus vigilans, illuminans, attendens.

Quid Officialis Generalis?

nisi Episcopi dextra Manus;

virgam directionis, virgam Regni sacri tenens.

Citra mentem Tuam isti honores sunt, sed ex mente omnium

& præcipuè ex voto

Illustrissimorum & Reverendissimorum
STANISLAI WITWICKI,
&
NICOLAI SWIECICKI,
Posnaniensium Antistitum.

Quorum Ille

Pupillam Te suam elegit in Archidiaconatu Sremensi,
Hic vices Pastoralis Iurisdictionis Tibi contulit,
& Sacri Tribunalis potestatem;
ut curarum Tuarum partem Ecclesiæ donares,
Spirituali disciplinæ incrementum, Clero tutelam provideres.
Faustiora horum omnium initia Cælo patent;
quæ in dies augmentum fument,
quamdiu plena optimi exempli, Tua fulgebit autoritas.
Coronantur jam in Te Laureâ Sacræ Themidos,
hæc dotum virtutumq; pretia:
ut cum fuerint laureata, Astrææ sint propria.
Applaudit tanto Actui vel ipse Phæbus,
pulchrius hodie nitens in Sagittario,
dicam veriùs:
in **SAGITTA** Tua Gentilitia;
Quam abhinc Diva Astræa habebit
DECUS summum & **PRÆSIDIVM.**



ACCLAMATIO LUBRANSCIANI APOLLINIS.

EN ego distanti longè Regione locatus,
Ad tumulum CHRABRY positus Vartamq; fluentem,
Ex Helicône meo Phæbus, dum summa nitentis
Astra Poli specto; cultu speciosa sereno,
In plausus effusa novos, & gaudia mille,
Occurrit Dea sponte meis obtutibus. Illam
Astræam agnovi, ex dextra versante bilancem,
Et gladium atrocem, sceleratis fata minantem.
Intueorq; magis Numen constante decorum
Lætitiâ, causasq; volens rescire latentes;
Sciscitor ex illa, lætæ quæ mentis origo?
Exultans vltro vultu responsa benigno
Præbet, & hærentem dictis me affatur amicis:
Quòd nequeam cohibere feris mea pectora vinclis
Tristitiæ, causa est. SIERAKOWSCIA digna SAGITTA
Præsidium concessa mihi est, decus atq; coruscum.
Ista SAGITTA tuis præsens tutela Camænis,
O quoties largos cumulavit sponte favores!
Tela Tux famæ quoties inimica repræssit!
Horroremq; gravem minitata est hostibus vltrix.
Semper abhinc Aras Themidos, sacrumq; Tribunal
Muniet, atq; libens solidum vibrabit acumen
In temeratores legum, & decreta ferentium.
Audiit Astrææ Phæbus pia dicta Lubranus,
Et votum plaudente sono geminavit alacris.
O utinam cursu volucris SIERAKOWSCIA tangat
Celsa SAGITTA scopum, constans vbi laudis & almi
Splendet honoris apex, Consi Trabeataq; fulgent
Præmia, per Lechicas, Latias seu sparsa Curules.



Biblioteka Jagiellońska



stdr0024068

